

ქ. თბილისი

„11“ მაისი 2017 წელი

„სახელმწიფო შესყიდვების შესახებ“ საქართველოს კანონის მე-3 მუხლის 1 პუნქტის „ს“ ქვეპუნქტის მოთხოვნათა შესაბამისად 2017 წლის სახელმწიფო ბიუჯეტის სახსრებით, გამარტივებული შესყიდვის წესით ერთი მხრივ, საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტი (შემდგომში შემსყიდველი) წარმოდგენილი მისი უფროსის პაატა ბატიაშვილის სახით და მეორეს მხრივ შპს „allmarket.ge“ (შემდგომში მიმწოდებელი) წარმოდგენილი მისი დირექტორის ქეთევან კაცაძის სახით ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 მიმწოდებელი იღებს ვალდებულებას მიაწოდოს შემსყიდველს 1 (ერთი) ერთეული დიქტოფონი (CPV 32332100) (შემდგომში საქონელი) ამ ხელშეკრულების პირობების შესაბამისად.

1.2 ფასების ცხრილი:

№	საქონლის დასახელება	ტექნიკური	მარკა/ მოდელი	მწარმოებელი ქვეყანა	ზ/ე	რ-ბა	ერთეულის ფასი	საერთო ფასი
1	დიქტოფონი	შიდა მეხსიერება: 4GB: კომპიუტერთან დაკავშირება: USB: ჩაშენებული მიკროფონი: კი: ჩაწერის ფორმატი: MP3: ელემენტის ტიპი: AAA X 2: მაქსიმალური ფოლდერი რაოდენობა: 400: მაქსიმალური ფაილის: რაოდენობა: 4074: მაქსიმალური ფაილის რაოდენობა ერთ ფოლდერში: 199: დამატებითი მეხსიერება: M2 /microSD: მაქსიმალური ჩაწერის ხანგრძლივობა: ჩაწერა MP3 8 KBPS : 1073 საათი 0 წუთი: ჩაწერა MP3 48 KBPS : 178 საათი 0 წუთი: ჩაწერა MP3 128 KBPS : 67 საათი 5 წუთი: ჩაწერა MP3 192 KBPS: 44 საათი 40 წუთი: ელემენტის ხანგრძლივობა MP3 8 KBPS : 96 საათი: MP3 48 KBPS: 72 საათი: MP3 128 KBPS: 65 საათი: დინამის სიმძლავრე: 300 MW: ზომა(INCH, W/H/D):1.48 x 4.49 x 0.82 გარანტია: 1 წელი	Sony ICD-PX333	ჩინეთი	ცალი	1	235.0	235.0
სულ ჯამი:								235.0

2. საქონლის ღირებულება

2.1 ხელშეკრულების ჯამური ღირებულება შეადგენს 235,00 (ორასოცდათხუთმეტი ლარი და 00 თეთრი)ლარს დღგ-ს ჩათვლით

2.2 ხელშეკრულების ჯამური ღირებულება მოიცავს საქონლის მიწოდებასთან დაკავშირებულ ყველა ხარჯს, მათ შორის კანონმდებლობით გათვალისწინებულ ყველა სახის გადასახადს და მოსაკრებელს.

3. საქონლის მიღება-ჩაბარება

3.1 საქონელი ჩაითვლება მიღებულად მხოლოდ შესაბამის მიღება-ჩაბარების აქტზე შემსყიდველისა და მიმწოდებლის უფლებამოსილი პირების ხელმოწერის შემდეგ. შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს ადმინისტრაციის მატერიალურ ტექნიკური უზრუნველყოფის განყოფილების უფროსი ავთანდილ ირემაშვილი.

3.2 მიღება-ჩაბარების აქტის გაფორმების საფუძველს წარმოადგენს წინამდებარე ხელშეკრულების მე-12 მუხლით განსაზღვრული ინსპექტირების ჯგუფის დასკვნა.

4. საქონლის მიწოდების ვადები და ადგილი

4.1 საქონლის მიწოდება ხორციელდება ხელშეკრულების გაფორმებიდან 5 (ხუთი) სამუშაო დღის განმავლობაში.

4.2 საქონლის მიწოდება ხორციელდება მიმწოდებლის მისამართზე: ქ. თბილისი, ვეფხისტყაოსნის №16.

5. მხარეთა უფლება-მოვალეობანი

5.1 მიმწოდებელი ვალდებულია მიაწოდოს შემსყიდველს ნივთობრივად უნაკლო საქონელი.

5.2 შემსყიდველი ვალდებულია აუნაზღაუროს მიმწოდებელს წინამდებარე ხელშეკრულებით ფაქტობრივად მიწოდებული საქონლის ღირებულება, ხელშეკრულების პირობების შესაბამისად.

5.3 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვას მოცემული ხელშეკრულებით არსებული თავისი ვალდებულებები.

5.4 შემსყიდველი უფლებამოსილია მოითხოვოს მიმწოდებლისაგან ამ ხელშეკრულებით ნაკისრი პირობების განუხრელი შესრულება.

5.5 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულებით განსაზღვრულ ვადებში და ფორმით.

6. გარანტია

6.1 მიმწოდებელი იძლევა გარანტიას, რომ მიწოდებული საქონელი იქნება ხარისხიანი და შეესაბამება ხელშეკრულების მოთხოვნებს. მიღება-ჩაბარების აქტის გაფორმების დღიდან გარანტია ვრცელდება ქარხნული დეფექტის ან წუნდების გამოვლენის შემთხვევაში 1 (ერთი) წლის ვადით, აღნიშნული პერიოდის განმავლობაში მიმწოდებელი ვალდებულია საკუთარი ხარჯებით დაზიანების აღმოჩენიდან „10 (ათი)“ სამუშაო დღის ვადაში (განსაკუთრებულ შემთხვევაში გონივრულ ვადაში) უზრუნველყოს დაზიანების აღმოფხვრა ან/და დაზიანებული ტექნიკის ჩანაცვლება ანალოგიური პარამეტრების მქონე ახალი საქონლით;

7. ანგარიშსწორება

7.1 ანგარიშსწორება მიმწოდებელთან განხორციელდება საქონლის მიწოდების შემდეგ, მიმწოდებლის მიერ მიღება-ჩაბარების აქტისა და შესაბამისი ფინანსური დოკუმენტაციის წარმოდგენიდან 10 (ათი) სამუშაო დღის განმავლობაში.

7.2 ანგარიშსწორება განხორციელდება უნაღდო ანგარიშსწორების ფორმით.

7.3 ანგარიშსწორება მიმწოდებელთან განხორციელდება ლარებში.

7.4 წინასწარი ანგარიშსწორების მექანიზმი არ გამოიყენება.

8. ხელშეკრულებაში ცვლილებების შეტანა

8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

8.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

10. მხარეთა პასუხისმგებლობა

10.1 მიმწოდებელი კისრულობს პასუხისმგებლობას გადაუხადოს პირგასამტეხლო თანხა შემსყიდველს ამ ხელშეკრულებით გათვალისწინებული საქონლის მიწოდების ვადების დარღვევის შემთხვევაში, დაგვიანებით მიწოდებული საქონლის ღირებულების 2 (ორი) პროცენტი ყოველი ვადაგადაცილებული დღისათვის.

10.2 მხარეები თანხმდებიან, რომ თუ მიმწოდებლის მიერ, საქონლის მიწოდების ვადების გადაცილებისათვის დაკისრებული პირგასამტეხლო თანხის საერთო ოდენობა გადააჭარბებს მიუწოდებელი საქონლის ღირებულების 10 (ათი) პროცენტს შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება და დააკისროს მიმწოდებელს პირგასამტეხლო ხელშეკრულების მთლიანი ღირებულების 10 (ათი) პროცენტის ოდენობით და გაწყვიტოს ხელშეკრულება.

10.3 პირგასამტეხლოს გადახდა არ ათავისუფლებს მიმწოდებელს ნაკისრი ვალდებულების შესრულებისაგან.

11. ხელშეკრულების შეწყვეტა მისი პირობების შეუსრულებლობის გამო

11.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

11.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

11.1.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

11.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

11.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.3.2 მიმწოდებლის გაკოტრების შემთხვევაში;

11.3.3 საქართველოს კანონმდებლობით გათვალისწინებულ სხვა შემთხვევებში.

12. ხელშეკრულების შესრულების ინსპექტირება

12.1 შემსყიდველს უფლება აქვს მიმწოდებლის მიერ საქონლის მიწოდების ნებისმიერ ეტაპზე განახორციელოს ინსპექტირება. ინსპექტირებას ახორციელებს შემსყიდველის უფლებამოსილი წარმომადგენლები: გარემოსდაცვითი

ზედამხედველობის დეპარტამენტის ადმინისტრაციის მატერიალურ ტექნიკური უზრუნველყოფის განყოფილების მთავარი სპეციალისტი, ადმინისტრაციის შესყიდვების განყოფილების მთავარი სპეციალისტი და ადმინისტრაციის საკადრო და საქმისწარმოების განყოფილების უფროსი სპეციალისტი. (შემდგომში „ინსპექტირების ჯგუფი“).

12.2 ინსპექტირების ჯგუფის ფუნქციებია:

12.2.1 გაუწიოს ინსპექტირება საქონლის მოწოდების ვადების ხელშეკრულების მოთხოვნებთან შესაბამისობის დადგენას.

12.2.2 დაადგინოს შეესაბამება, თუ არა მიწოდებული საქონელი ხელშეკრულების მოთხოვნებს.

12.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

12.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

13. ფორს-მაჟორი

13.1 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

13.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

14.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა

15.1 ხელშეკრულება ძალაში შედის მხარეთა მიერ მისი ხელისმოწერის დღიდან და მოქმედებს 2018 წლის 31 იანვრის ჩათვლით, გარდა ამ ხელშეკრულების მე-6 მუხლის 6.1 პუნქტისა.

15.2 ხელშეკრულების მე-6 მუხლის 6.1 პუნქტი ძალაშია ხელმოწერის დღიდან და მოქმედებს საქონლის მთლიანი საგარანტიო პერიოდის განმავლობაში.

15.3 ხელშეკრულება შესრულებულია და ხელმოწერილია ქართულ ენაზე, სამი თანაბარი იურიდიული ძალის მქონე ეგზემპლარად, რომელთაგან 1 ინახება მომწოდებელთან და 2 ეგზემპლარი შემსყიდველთან.

16. მხარეთა რეკვიზიტები

შემსყიდველი:

საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტი

მის: ქ. თბილისი, გ. გულუას ქ. #6

საიდენტიფიკაციო კოდი: 206351758.

ტელ: 595000444

საბანკო რეკვიზიტები: ცენტრალური ხაზინა, სახაზინო კოდი 3802

მიმწოდებელი:

შპს „allmarket.ge“

მის: ქ. თბილისი; ვეფხისტყაოსნის №16,

საიდენტიფიკაციო კოდი: 404431432;

ელ. ფოსტა: k.katsadze@allmarket.ge

ტელ: 593 66 11 73 / 032 2052505

საბანკო რეკვიზიტები: სს „თი ბი სი ბანკი“

ბანკის კოდი: TBCBGE22;

ა/ა GE89TB7858336080100003

პაატა ბატიაშვილი
დეპარტამენტის უფროსი

ქეთევან კაცაძე
დირექტორი